

Administrativne procedure u vezi s izdavanjem neophodnih dozvola za izgradnju prve vjetroelektrane u Unsko-sanskom kantonu, na lokalitetu Teočak, nadomak Bihaća, su pri kraju i očekuje se da investitor krajem godine započne realizaciju ovog projekta čija je vrijednost procijenjena između 40 i 50 mil KM, izvijestile su nezavisne.com.

Potvrdio je ovo predsjednik Komisije za koncesije USK Šefik Štulanović, koji je istakao kako je protekle godine okončana procedura za dodjelu koncesije, koja je naposljetku dodijeljena preduzeću Ivicom iz Zagreba, koje realizira projekte iz oblasti energetike.

Koncesiona dozvola se odnosi na korištenje više od 1.000 hektara zemljišta na pomenutom lokalitetu za izgradnju osam minivjetroelektrana, čija bi pojedinačna snaga iznosila do pet megavata.

Koncesionar je dobio pravo da izgradi postrojenja koja bi snagu vjetra pretvarala u električnu energiju, s tim da bi ukupna instalisana snaga svih vjetroelektrana iznosila najviše 40 megavata.

Prema riječima Štulanovića, vrijeme na koje je dodijeljena koncesija iznosi 30 godina, a računa se od dana puštanja vjetroelektrana u pogon. Jedan od uslova koncesionog ugovora je da ponuđena visina koncesione naknade ne može biti manja od 2% u odnosu na ukupni promet ostvaren proizvodnjom električne energije.

Štulanović kaže da interesovanje investitora za izgradnju vjetroelektrana postoji, te je dodao kako će iskorištavanje energetske bogatstva USK u narednom periodu biti jedan od strateških ciljeva aktuelnih vlasti u ovome kantonu.

Izvor: indikator